

GOBIERNO DE NAVARRA

PRESIDENCIA, ADMINISTRACIONES
PÚBLICAS E INTERIOR

ECONOMIA Y HACIENDA

CULTURA, TURISMO Y RELACIONES
INSTITUCIONALES

EDUCACION

SALUD

POLÍTICA SOCIAL, IGUALDAD,
DEPORTE Y JUVENTUDDESARROLLO RURAL, INDUSTRIA,
EMPLEO Y MEDIO AMBIENTE

FOMENTO Y VIVIENDA

SEGURIDAD Y EMERGENCIAS

Foruzaingoak uztailaren amaierako irteera-itzulera operazioan abiaduraren kanpaina berezi bat jarriko du abian

Bideko Segurtasunerako Dibisioko agenteek trafiko arauak hausten dituzten gidariei alkoholaren eta drogen probak ere egingo dizkiete

Jueves, 28 de julio de 2011

Foruzaingoak, bihar, ostirala, uztailak 29, eta igandea, uztailak 31, bitarte, abiadura kontrolatzeko kanpaina berezia abian jarriko du uztailaren amaierako eta abuztuaren hasierako irteera-itzulera operazioa dela-eta. Kanpainaren helburua Nafarroako errepideetan abiaduraren mugak errespetatzen direla zaintzea da. Kanpainan Bideko Segurtasunerako Dibisioko agenteek parte hartuko dute.



Foruzaingoak abiaduraren kontrol bereziak egingo ditu uztailaren amaierako irteera-itzulera operazioan

Asteburu honetan errepideetan joan-etorri ugari egitea espero da, hortaz, gidariek arreta handiz gidatu eta bideko segurtasunerako arauak errespetatu beharko dituzte. Zehazki, kalkulatu denaren arabera, ostiral arratsaldean eta larunbat goizean sortuko da trafiko gehien (orduan aterako baitira Nafarroatik gidari gehien); baita igande arratsaldean ere, orduan itzuliko delako jendea Foru Erkidegora.

Kanpaina horren bidez, bide handietan poliziaren kontrola handituko denez, Foru Erkidegoko errepideetan ezbeharren kopurua murriztea da helburua. Horretarako, Iruñeko eta Tuterako komisaldegietako kideek parte hartuko dute. Kanpainan ibilgailuen abiadura kontrolatuko da batez ere, baina alkoholaren eta drogen probak ere egingo zaizkie trafikoaren eta bideko segurtasunerako arauak hausten dituzten gidariei.